

東華續錄

嘉慶十四

臣王先文

臣周蕃恭校

秋七月辛未諭大學士王杰自乾隆辛巳年以廷對第一通籍供職詞垣入直南書房洊升卿貳 皇考高宗純皇帝知其持身清介植品端方可資倚任是以鄉會試掄才大典及各省視學疊簡畀持衡未經協辦大學士卽擢任綸扉贊襄樞務老成謀國事數歷多年平定臺灣廓爾喀大功告成曾圖形紫光閣 賜

褒嘉復

命充上書房總師傅朕在藩邸時曾資啟沃自親以

來時常召對恩禮有加見其年近八旬精神尚未衰減眷

茲以夏間屢嬰疾病具摺乞休朕念老成宿望未肯令其驟

右當經召見再四慰留王杰以年衰氣弱深恐

東華續錄

嘉慶十四

職課公堅求

退情意懇誠在王杰前非家有田園思耽林

而此眷懷者

舊繼繆彌深豈忍忽然遽令歸去王杰著不必問大學士缺無庸
票閱內閣本意其各館所纂書籍亦無庸閱看以便安心願如
調理即可就痊自應照舊供職儻一時未能即愈自揣精力難勝
再行陳奏另降諭旨○勒保奏殲除黃白青藍四號賊匪生擒首
逆劉朝選得旨獎賚晉一等男○甲戌諭內閣供事與各衙門書
吏無異保甯甫經到京因考試供事外閒頗有浮言請在貢院局
試經朕發交禮部議奏以貢院爲掄才重地考試吏胥於體制未
合所議固是但議請欽派內閣學士及監試御史並護軍統領等
員仍與考試士子相等辦理尙覺過當嗣後內閣供事仍在天安
門外考試卽令稽查內閣之御史會同內閣承辦官員在彼監試
其閱卷之內閣學士著大學士指派滿漢各一員臨期奏聞不必

請旨簡派○乙亥諭日前召見新授右翼總兵廣泰曾在次前奏
及步軍統領衙門一切事件並無章程必須另爲酌定○召見
又稱伊職係總兵本衙門司員俱存輕視之見朕自覺其有意糾
更欲占身分殊惟不滿自恨又誤用一人實屬不能知人深自愧
赧本日召見祿康因將廣泰近日行爲由加詳詢據祿康奏稱廣
泰自到任以來於公事每欲更張且以總兵究係武職闔署司事
呼應不靈曾向祿康商懇代爲奏請加賞兵部侍郎虛銜等語當
卽令軍機大臣傳詢廣泰竟係實有其事伊亦自認糊塗冒昧此
非糊塗冒昧實屬膽大狂妄之至經軍機大臣奏請交部嚴議實
屬咎所應得國家設官分職俱有定制豈有臣下妄思干請之理
廣泰甫經擢用總兵自應循分盡職和衷共濟乃急於見長諸事
輒欲紛更又復希冀加賞卿貳文銜紕繆乖戾○廣泰著先行

解任仍交兵部嚴加議處速奏伊見在園該班此次不必從從木蘭伊射門待罪聽候部議國霖即著在園該班此次不必從從木蘭伊射布靶中箭三支應得例賞仍著賞給恭阿拉於都統內業經派出隨圍伊曾任總兵於步軍統領衙門事宜尙爲熟悉所有行營管轄營員番役等事著恭阿拉暫行管理○內子諡軍機大臣等台布奏家番情形並將蒙古呈遞各條進呈朕閱納漢達爾濟等所呈其意總欲內地官兵將番族痛加懲治殊不知足台布當明曉諭以蒙古爲我朝臣僕雖止年閒於青海設立辦事大臣隨時保護嗣因爾等不能自衛致有番子搶奪之事不值頻勞內地兵力 高宗純皇帝屢降 諭旨如再有番子搶奪等事總不能代伊等辦理仍重治其罪原欲爾等振作弗爲番族欺壓自大違帝親政以來烏爾游牧地方被番族搶占特派大臣帶兵前往諭令

番子將搶奪各物交還已屬格外天恩及番子出卡後爾等又不
能自防復蒙大皇帝賞兵守護恩施稠疊無可復加今爾等偶有
偷竊小事輒請天兵幫助實屬恃恩妄爲天朝統馭外藩甚多如
厄魯特土爾扈特烏梁海等豈無偷竊之事從未請天朝發兵剿
捕何獨爾等頻頻煩瀆且番衆久隸帡幪從無干犯天朝之事爾
等惟當嚴守疆界勉力自衛毋徒恃內地官兵爲爾捍禦亦不可
與番衆有心構釁致啟爭端方不負大皇帝愛護之意若爾等不
知自強惟思構兵滋事天朝不能相助並當治罪如此剴切曉諭
俾蒙古等懷德畏威自不敢再行瀆請至添兵移卡諸事台布當
酌量妥辦將此諭令知之○繼書緣事降調穆克登額爲盛京
刑部侍郎以花尙阿爲盛京兵部侍郎

由副都
統遷

○丁丑詔兵部議

奏右翼總兵圖泰照違制例奏請革職一摺圖泰前任御史時曾

屢經派令巡漕看其人似能辦事疊加升用擢至卿員旋授內閣學士昨右翼總兵缺出將伊補授廣泰本係文職出身特因步軍統領衙門有審理事件伊或能通曉案牘可以幫同祿康辦事乃廣泰器小易盈於未經到任之先卽向祿康商懇代奏加賞兵部侍郎虛銜而於本衙門歷辦章程復有意紛更其實並未見別有簡辦之處不過圖占身分而已誠爲薄福小人試思祿康本係刑部尚書經朕簡任提督伊因刑部與步軍統領衙門有交涉事件再四辭退尚書朕當卽允其所請嗣因戶部尚書缺出復將祿康補授是祿康本係尚書並非因簡任提督俾兼部銜卽如從前歷任提督蘇恩以親王管理和珅以大學士管理若如廣泰謬見則簡任提督者豈亦可引以爲例耶廣泰狂妄無知實屬紕繆朕著卽照部議革職○諭琅玕奏樹苗通甸小川各路官兵連獲勝

仗見在合兵進剿吉尾覽奏俱悉慄慄匪經此懲創自必畏懼
惟恆乍縶一犯逃匿江外伊係起事首逆必當擒拏於獲令漏
網至摺內稱秋深瘴退如有仍須勦辦之處再行奏辦該匪等見
已逃出江外若秋深後竟敢渡江滋擾自應勦辦儻畏懼不出即
可不煩師旅該夷人賦性兇頑劫掠是其長技遇有滋事之時自
當隨案懲創至既經懾伏之後即兵力有餘亦斷無將此種夷人
誅戮務盡之理窮兵黷武非善政亦何忍殘害無知之夷人邀功
見好耶琅玕當查明爲首之楊金羅小二實在下落懾以兵威勸
令該夷人速將二犯縛獻即可完事無庸過江移勦務欲邀功至
不可罷兵之時轉成蛇足矣○己卯廣西巡撫謝啟昆奏予祭葬
賞銀三千兩治喪○以孫玉廷爲廣西巡撫同興署湖北布政使
候補布政使○庚辰以明志爲內閣學士由奉天府尹遷調喬人傑爲湖

北按察使成甯爲福建按察使○辛巳諭朕惟求治之道必期明目達聰廣爲諮諏庶民隱得以周知古帝王懸輶設鐸自臣工以逮士庶悉令各陳所蘊以備採納但必視其言之有當與否如果指陳確實有裨國是卽無言職者亦當加之採錄儻率逞臆見妄意紛更甚至莠言亂政雖係言官之言亦豈可輕爲聽用近來科道中每有條奏失當經朕降旨駁斥此係權衡事理隨事訓飭並非懶於辦事怠惰偷安朕承 皇考付託曷敢不勤政乎若言官誤會朕旨遂爾相率緘默轉非朕廣開言路之意矣本日據步軍統領衙門呈遞陝西恩貢生加捐州同職銜何泰條奏一件朕詳加披閱其所陳敬天勤民敦崇治本激敘官方整飭士習以及黜奢崇儉挽回風化各大端俱能援引古書切陳時事其中不無可採何泰係恩貢出身加捐州同職銜非齊民可比伊果有志上進

於鄉會試中式後原可臨軒試策因陳無隱等抒陳名籍於風俗
人心均有關繫且文理亦屬通順著加恩員給大段二匹交祿康
將伊傳到祇領並諭何泰回家安誦讀書烟囪進取以備將來量
材錄用所有原遞各條留備省覽○增設陝西漢中府屬分防漁
渡路撫民同知司獄卽池陽巡檢洋縣縣坐四畝地巡檢各一○
癸未諭額勒登保等奏請將固原陝安提鎮仍因舊制並另籌漢
南添設營汛各事宜一摺國家設立督撫提鎮原擇要適中之
地駐紮以資控馭而垂永久不可因目前情形稍步緊要遽議更
張前長麟等請將固原提督移駐漢中經兵部議准此係一時
權宜並未計及久遠朕意此事所關甚重原欲降旨不改舊制今
額勒登保等以見在漢中地方雖較固原重要若大功告竣後
所應辦者不過盤緝奸宄等事非若固原之防匪多彈壓命族

者可比所見甚是著照所請固原提督無須另駐漢中紛更營制至向例每三年提督至興安漢中巡閱一次爲期太遠該處萬山叢雜地方遼闊奸民最易藏匿必須常有大員往來稽覈方足以資鎮撫見在海疆提鎮卽有每年出洋會哨之例嗣後陝安鎮協及甯陝鎮俱著該提督每年巡查一次餘著該部議具奏尋議西鄉縣添設游擊一守備一千總二把總三外委四爲西鄉營移白土關都司駐鎮坪爲鎮坪營歸陝安鎮轄沔縣添設都司一千總一把總二外委二爲沔縣營南鄭屬之銅梁添設守備一千總一外委二爲銅廠營歸漢中協轄陽平關添設外委一略陽營添設把總一撥兵防守從之○撥河南藩庫銀二十萬兩備陝西善後事宜○甲申允大學士王杰致仕加太子太傅生籍食祿○以邱廷瀧爲廣東按察使

由糧道遷

○內戊諭軍機大臣等清安奏泰安

南阮藩彼農耐侵偪欲叩關投納想吉慶接到稟報自必馳赴鎮南關督辦一切見在清安泰已奏明前往茲又諭令孫玉廷速赴廣西會同妥辦如阮光纘率屬內投即應照從前黎維祁之例妥爲安置儻籲請助兵吉慶應據實奏聞候旨至農耐知阮光纘入關或指名求索儻敢稱兵境上自不可稍爲容貸若情詞恭順亦當馳奏快再爲區處吉慶當熟籌妥辦前於各關隘飭屬嚴防不可示外夷以弱如孫玉庭已到即令清安泰回省理事○戊子

上啟變秋綱木蘭○免經過地方額賦十分之五○癸巳諭朕前聞廣東博羅縣有重犯越獄知縣劉嘉穎不行詳報臬司陳文及該管知府扶同徇隱復告知藩司將該縣典史調補煙瘴示罰又粵東贓罰銀兩按縣攤派批解臬司作爲陋規吳俊在任時曾經收受升任起程時又派此項以作路費等事當經親書密諭令吉

慶瑚圖禮密查具奏朕以此事尙屬風聞虛實未定茲據吉慶等查明覆奏皆係實有其事將藩司府縣等分別參革並自請嚴議前來披閱之下殊堪感歎更深懷畏各直省設立督撫原以糾察屬吏惟在見聞周密有弊必除庶屬員等知所儆懼吏治自臻整肅若必待朕先有所聞降旨詢問督撫始行查辦則安用督撫爲耶試思四海之廣臣民之衆爲人君者安能一一周知雖以堯舜之君明目達聰設無九官十二牧爲之分職亮功亦何能從欲以治乎今粵東吏治若此而吉慶瑚圖禮竟懵然不知直至朕指出情節嚴切密詢伊二人始訪查得實以此類推則各省似此通同舞弊之事或更有大於此者未經朕聞知查詢因循不辦又不知凡幾矣知人之明用人之難朕實愧且懼惟盡此求治之苦心耳至外省一切陋規早應隨時禁革粵東借贓罰爲名按缺派送銀

兩相沿已久督撫並不查辦一經狀詢問始據實陳奏可見此等陋規未經革除者尙復不少今既經發覺卽不能置之不辦所有博羅縣絞犯越獄一案知縣劉嘉穎私稟臬司匿不詳報竟敢有意消弭情殊可惡今案犯業已拏獲姑著照所擬革職發往伊犁效力贖罪典史李清係管獄官並不小心防範以致要犯脫逃亦著革職發往軍臺效力贖罪惠州府知府伊秉綬係親臨上司任聽該縣匿報不行揭參著革職惠潮嘉道胡克家於所屬越獄重案不行揭報著交部嚴加議處藩司常齡經陳文告知此案並不照例揭參輒將該典史改調煙瘴地方調停其事實屬贍大妄爲著先革去頂帶仍交部嚴加議處臬司陳文於路過惠州時該縣已將監犯越獄之事面稟陳文並不揭參亦未令其通稟且經收受贓罰銀兩陳文前因年老難勝臬司之任已令來京候旨卽著

革職交部審訊治罪見在行抵何處著該省提督派員管押來京
升任山東藩司吳俊於廣東臬司任內既經得受贓罰銀兩起程
時又復將此項作爲路費實屬卑鄙亦著革職令祖之望委員管
押來京交刑部審訊治罪吉慶瑚圖禮於所屬匿報重案及收受
陋規漫無覺察直同木偶均著交部嚴加議處嗣後各督撫於地
方吏治務當隨時訪察釐剔弊端如有作奸犯科之事卽當據實
嚴參不得徇情袒庇亦不可爲屬員蒙蔽以期大法小廉副朕激
敘官方至意○甲午 上駐蹕避暑山莊○諭本日至避暑山莊
甫經下馬適遞到額勒登保等六百里加緊奏報官兵殲斃首逆
苟文明並擒斬餘黨大喜捷音此皆 上天垂恩 皇考賜佑欣
慰之餘翻增感涕秋緡大典爲我朝 家法相傳所以肄武習勞
懷柔藩部者意至深遠我 皇考臨御六十餘年於木蘭行圍之

先 駐蹕避暑山莊歲以爲常 敕幾勤政之暇款洽蒙古外藩
垂爲令典是避暑山莊實爲 皇祖 皇考在天靈爽式憑之地
朕祇承 鴻緒不敢稍自暇逸特於今秋涓吉啟靈舉行秋獮實
本繼 志之誠若以山莊爲從事游覽則京師官館池籩豈不較
此閒更爲清適而必跋涉道途衝履泥淖遠臨駐蹕乎朕之敬遵
成法不敢偷安必欲前來山莊之忱惓 皇考實鑒臨之是以
清蹕纔停捷書已至 眷佑所昭如響斯應伏披覽奏函瞻依

居處不覺聲淚俱下召見軍機大臣時至於哽咽不能宣旨此實
至情所感不能自己當命將此摺徧示內外王公滿漢諸臣亦莫
不額手稱慶彼止朕此行之漢員適見其愚懵不曉事耳至苟文
明爲積久著名首逆與羅其清申文儒等一同起事頻年以來在
川陝楚三省地方展轉奔逃肆意擄掠實爲罪大惡極經額勒登

保督率官兵屢次勦殺勢極窮蹙而向於大山密林內潛匿四竄
希圖兔脫又復數月今在花石巖地方經官兵四路逐個立時截
斃斬級梟示並餘匪盡數殲除皆由額勒登保調度得宜所致雖
辦理稍覺遲延而首逆終就殄滅實不愧經略之任殊屬可嘉那
教起事各首逆俱已陸續辦淨止餘苟文明一犯今該逆復經殲
斃是積年著名巨憝業已悉數掃蕩其零星奔竄之蒲添寶等止
係近日攢聚殘匪爲首之犯且爲數無多見有參贊德楞泰等督
兵擒捕戴功大局已得十之九額勒登保著加恩晉封一等伯賞
還雙眼花翎俟陝省零匪全數肅清再加恩賞提督楊遇春雖係
事後趕到而督率夥勦亦屬勤奮著交部議敘其奮勇出力殊筆
圈出之李應貴張廷楷吳廷剛李應元特依順保張超王兆龍祝
廷彪黎炳謝天瑞永丁安張必祿藍翎馬兵楊貴等或應加升一

等或應交部議敘或應賞戴翎支著額勒登保等分別等第開單保奏其餘如尚有出力人員亦著一併查明具奏候旨加恩並發去青玉搬指十箇鼻煙壺十箇大荷包五對小荷包十對分賞出力員弁一兩重銀牌二百面五錢重牌銀二百面分賞出力兵勇以示獎勵將此通諭知之○諭山東金鄉縣阜孫冒考一案前經學政劉鳳誥參奏降旨交和甯秉公審辦乃三月之久尚未審結旋據給事中汪鏞參奏承審此案官員將原告刑罰認誣並據武生李長清在都察院衙門控告交刑部訊問錄供具奏朕以此案劉鳳誥參奏於前今該省地方官挾私偏聽該學政豈無見聞諭令據實查奏茲據劉鳳誥覆奏此案金鄉縣阜孫張敬禮等冒考經李玉燦攻揭及舉人王朝駒等呈控該學政投試兗州訪問該處生童僉稱是實且乾隆七年二十年張姓子孫冒考曾有兩次